

是之後匈奴震怖益求和親然而未肯稱臣也且夫前

世豈樂傾無量之費役無罪之人快心於狼望之北哉

師古曰匈奴中地名也以為不壹勞者不久佚不暫費者不永寧

師古曰佚與逸同是以忍百萬之師以摧餓虎之喙運府庫之

財填廬山之壑而不悔也師古曰喙口也摧百萬之師於獸口也廬山匈奴中山也

喙音許穢反至本始之初匈奴有桀心師古曰桀堅也言其起立不順欲掠

烏孫侵公主廼發五將之師十五萬騎獵其南而長羅

侯以烏孫五萬騎震其西皆至質而還師古曰質信也謂所期處時

鮮有所獲師古曰鮮少也音先踐反徒奮揚威武明漢兵若雷風耳

雖空行空反尚誅兩將軍故北狄不服中國未得高枕